

FORUM ONG TIMOR LESTE THE TIMOR LESTE NGO FORUM



Caicoli Street, Dili -Timor Leste / Phone 77422821 / 77265169 Arсен_ctl@yahoo.com.au / nizio_pascal@yahoo.com

ADEZAUN HUSI GUINÉ EKUATORIAL KATAK CPLP FA'AN NINIA VALÓR SIRA.

Iha loron 20 Feveireiru 2014, Ministru Negósiu Estranjeiru sira husi Komunidade Paízis ko'alia Lian Portugés (CPLP) fó ona rekomendasaun atu Giné Ekuatoriál sai membru ho plenu direitu iha CPLP nia laran, no desizaun nee karik sei ratifika durante Simeria CPLP ne'ebé sei hala'o iha Dili iha fulan Jullu 2014.

Relasiona ho planu adezaun Giné Ekuatoriál ba CPLP ne'e mak membru Sosiedade Sivil CPLP nian estuda hela situasaun ne'ebé mak la'o iha Giné Ekuatoriál, liu-liu relasiona ho prátika violasaun direitus umanus ne'ebé mak akontese, ne'ebé viola direitus umanus em terminus de liberdade imprensa, la iha espasu ba movimentasaun sosiedade, média ho ema bele livre atu hato'o sira nia espresaun. Pontus balu ne'ebé esensíal liu mak hamutuk ho membru sosiedade sivil CPLP estuda hela katak Giné Ekuatoriál sei pratika no deskreve hela iha sira nia konstituisaun kona-ba Pena do Morte. Kuandu ema iha prizaun, sira la liu husi julgamentu ruma depois decide halo pena do morte ba sira ne'ebé komete krimi.

Buat sira hanesan ne'e liga mós ba iha prinsípiu sira ne'ebé CPLP adopta. Balu mós hateten kada membru nasaun CPLP ida-idak tenki respeito mós prinsípiu Direitus Umanus no husu ha nasaun membru ida atu hamoos ka hasai sira nia prátika iha konstituisaun ka kódigo penál kona-ba implementasaun prátika pena do morte.

Alende ne'e iha prinsípiu jerál sira ne'ebé ita tenke haré, ne'ebé dala ruma ita la fó atensaun ka viola tiha prinsípiu sira ne'e. Dala ruma mós ita kahur tiha prinsípiu sira ne'ebé iha ho polítika ne'ebé haré liu ba interese. Wainhira ita ko'alia kona bá prinsípiu mak hamosu ona pergunta boot balun katak Organizasaun CPLP ne'e ba sé? Ka naran país ida bele tama iha CPLP, hodi ita la haré ona ba prinsípiu Lingua, identidade, no kultura e istória? Ka kritériu atu tama CPLP ne'e mak ida ne'ebé?

Buat seluk ne'ebé sai preokupasaun boot ba ita mak: CPLP nia karaterístika mak ida ne'ebé? No lójika iha ne'ebé, Sé naran país ida pretense ba CPLP, buat ida nia diferensia ne'e mak ida ne'ebé? Hodi husik paiz hot-hotu tama, no tanba dehan hakarak paizes da lingua Portuguesa marka sira nia prezensa hanesan organizasaun ida ne'ebé iha nia partikularidade rasik no úniku tanba reprezenta kuaze kontinente hotu.

Ita mós bele hanoin katak, prinsípiu saida mak sei uza atu taka dalan ba nasaun seluk hanesan Australia ne'ebé hakarak mós tama iha CPLP, ka labele taka dalan ba nasaun seluk ne'ebé mós hakarak tama iha CPLP? Depois CPLP nia spesífiku no orijinalidade mak ida ne'ebé? Prinsípiu ida ne'ebé mak bele justifika dehan Giné Ekuatoriál tama iha CPLP? Karik tanba de'it benefísiu no interese ekonomia, ita haluha tiha prinsípiu sira ne'ebé hatudu organizasaun ne'e nia spesífiku no orijinalidade?

Tanba ne'e no tanba iha risku ikus sei viola estatutu CPLP nian, hodi sei hafo'er naran husi instituisaun ne'e, no sei halakon direitu husi povu Giné Ekuatoriál, mak ami deklara katak:

1. Sei rekuza adezaun husi Giné Ekuatoriál iha CPLP nu'udar membru ho plenu direitu enkuantu seidak iha komprovasaun iha lei no iha pratika husi país kona ba kumprimentu husi kondisaun Estatutu CPLP nian, liu-liu halakon duni krimi sira hetan pena do morte;
2. Sei estabese pre-rekizitu formál sira no tebes husi demokratizasaun polítika no sei dirije reseita-osan nasional atu hadi'a tebes kondisaun moris husi populasaun, iha ikus prinsipiu hadalan maka konsagra iha artigu 5 husi Estatutu CPLP nian;
3. Sei ezije katak pratika demokrátika sira, governasaun di'ak no respeitu Direitu Umanu sei promove hela iha membru sira nia laran i maka ida-ne'e sei hatudu iha atividade no estratéjia alargamentu no aprofundamentu husi organizasaun iha okos da2 husi artigu da5 husi estatutu CPLP nian.
4. Husu membru CPLP hotu atu respeita no dignifika prinsipiu no valór sira ne'ebé organizasaun ne'e opta, no halo diverjensia entre Membru CPLP ho nasaun seluk ne'ebé la'ós membru.

Dili, 7/7/2014

Ami mak Deklara



Arsenio Pereira da Silva
Director Executive FONGTIL

Declarante sira:
(ONG membru FONGTIL)

No	Naran Kompletu	Organizasaun	Asinatura
1.	Manuel Monteiro F.	Associaçam HAK	[Signature]
2.	Olandino R. de Andrade	CDI	[Signature]
3.	Pascoal da Cruz Gomes	Fundasaun Atola	[Signature]
4.	Arlindo Jose M. da Silva	LUTA HAMUICK	[Signature]
5.	Tommingos C.F. Gusmao	ETBO	[Signature]
6.	Luis Xavier	Belun	[Signature]
7.	Ana Paula Sequeira	FTM	[Signature]
8.	Filomena Foca	Rede Feto TL	[Signature]
9.	FIDELITA DIANA LEIMOS	WWCTL	[Signature]
10.	Felicio da Silva	TICE	[Signature]
11.	Luciano Soares Santos	TICU	[Signature]
12.	Fernando Rasul Soares	ACbit	[Signature]
13.	Valente Felo-rom	MR	[Signature]
14.	REINALDO RAMOS X	HABURAS F.	[Signature]
15.	JOSE MARIZ	Jsmg	[Signature]
16.	Leovigildo da Costa Hosnai	CNTTL	Fenigildo Hosnai
17.	Julio Freitas. Gomes	OJPCORG JOV. ba Prob...	[Signature]
18.	João Almeida	F. Mahein	[Signature]
19.	Jenito Santana	KSI	[Signature]
20.	Estevão Fernando	ESPA DA FORD.	[Signature]
21.	Carlos Florindo	ETADEP	[Signature]
22.	Sil Hraero Boavid	Rede HASATIL	[Signature]
23.	Carlos Salvarina	Haburas (MOR)	Carlos Salvarina
24.	Tomás Dasilva Aparicio	HDMTL	[Signature]
25.	Juliano Gusmao	HDMTL	[Signature]
26.	Nineta Lucia da Silva Mariz	FTM	[Signature]
27.	Regoriana M. N. Marcal	FTM	[Signature]
28.	Jaumite Felix Sarmento	FTM	[Signature]
29.	Mateus Lemos Soares	DISIS	[Signature]
30.	Moril S. de Almeida	FTM	[Signature]
31.	Angelo N. Markus	Ass. HAK	[Signature]

32.	Thales da Silva	HAK	[Signature]
33.	Sil H. Boavid	HASATIL	[Signature]
34.	Tommingos de Andrade	Rede ba Rai	[Signature]
35.	Janio da Costa	Fth	[Signature]
36.	Dircia da Costa	HAK	[Signature]
37.	Pedro de Araújo	Belun	[Signature]
38.	ADELTO DA COSTA FERNANDES	HAK	[Signature]
39.	LUCIO J. SAVIO	Juventude Lautem	[Signature]
40.	Luis Faria	FMTL	[Signature]